

46.21
46(3)-11

二十六

傷寒醫訣串解全

二十六



閩長樂陳脩園著

翻刻必究

傷寒醫畱訣串解

十藥神書註解附後
味根齋藏板



傷寒醫訣串解其長樂陳修園
先生晚年所編集也惜六篇之中
尚缺其一以其未成書故不及付梓
其門徒猶子陳道著有靈扁風
雨之名醫也既能學先生之學又
能承先生之志日嘗手披而秘藏



之復體會其遠意而敘續一篇以補
其缺合成六篇而篇帙遂成茲
園古矣其猶子道其古矣閩中林
子壽萱專心術世於舊書肆中檢
脩園先生註解萬書久十藥神書
一卷購而珍存之并恐此二種沒而

不彰因細加讐校韻而錄之欲與
兩先生傳名兼以傳世值余奉
命巡撫全閩因舊疾復起探知
林子精於療治常勞診視論及
閩中名醫林子以陳修園陳道其
兩先生對教以修園先生所著南



雅堂十一種醫書見示且余本善
病人也又平熟是書久矣適
復以傷寒醫訣串解子錄一通
序於余、不敏每兢、官守尚恐才
不足以經世何暇論及術世然串解
實補傷寒淺註所未備不可以不



晁氏集傷寒淺註凡三百九十
七法依法條晰期於明白易曉
而又憲學者未能融會貫通
而得其要旨也不揣固陋漫
為綜貫衍繹名曰傷寒醫
訣串解其於疑以細微之

靈抉剔詳辨頗費苦心
脩園矣敢謂於此道
於肱然有志之士誠能
此袖繹其端緒推尋其綱
領而不眩於似是而非未必
非活國活人之一助也



傳若再附以十藥成書註解合而
刻之庶可以作岐黃家祕本矣
今之術岐黃者果能默會精審
互相參校其裨益良不淺也姑
就林子所述其像起為之并數
語於簡端云尔



咸豐壬辰秋九月望後三日福建巡撫呂佺孫



北京中医药大学图书馆藏

傷寒醫訣串解目錄

聞長樂陳念祖脩園著

受業姪道著纂集

東伯林壽萱校訂

卷之一

太陽篇

卷之二

陽明篇

卷之三

少陽篇



卷之四

太陰篇

卷之五

少陰篇

卷之六

厥陰篇



傷寒醫訣串解卷一

閩長樂陳念祖修園著

太陽篇第一

太陽爲寒水之經主一身之表

東台林壽甫校訂

何謂太陽經症曰頭痛項強發熱惡寒是也有虛邪實邪之辨
脈緩自汗惡風爲虛邪宜桂枝湯○如八九日過經不解如瘧狀
面熱身癢以其不得小汗故也宜桂枝麻黃各半湯因前此未汗
不得不發其汗因日數頗久故小發其汗○如服桂枝湯大汗出
後形如瘧日再發者以餘邪未盡故也宜桂枝二麻黃一湯大汗
之後不得再行大汗之法而餘邪未盡不得不從汗而竭之但藥
品宜輕耳

脈浮緊無汗惡寒爲實邪宜麻黃湯○如無汗煩躁者加石膏
棗名大青龍湯○如乾嘔而咳去杏仁加五味乾姜半夏細辛
藥名爲小青龍湯此二湯卽麻黃湯之加減總不出麻黃湯之範
圍此二法治表中之表也

何謂太陽腑症曰表邪不去必入於裏膀胱爲表中之裏也有蓄
水蓄血之辨

太陽症其人口渴煩躁不得眠脈浮小便不利水入卽吐爲膀胱
蓄水症宜五苓散

太陽症其人如狂小腹鞭滿小便自利脈沉爲膀胱蓄血症宜桃
仁承氣湯此二法治表中之裏也



何謂太陽變症。曰。汗下失宜。從陰從陽之不一也。

不應下而下之。續得下利。清穀身疼痛。宜四逆湯以救清穀之寒。

又以桂枝湯以救身疼痛之表。

病發熱頭痛脈反沉。若不瘥。身體疼痛。當救其裏。宜四逆湯。

大汗大下利而厥冷者。四逆湯主之。

太陽病發汗太過。遂漏不止。其人惡風。小便難。四肢微急。難以屈伸。

桂枝加附子湯主之。

太陽病發汗太過。動其營血而衛邪反內伏。其人仍發熱。心下悸。

頭眩身憊。動振振欲擗地者。真武湯主之。

已上言汗下太過傷正而虛其陽。陽虛則從少陰陰化之症。多以



傷寒論卷之九
太陽少陰爲表裏也

陽盛於內誤服桂枝湯大汗出後大煩大渴不解脈洪大者自當加人參湯主之

傷寒若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加人參湯主之

傷寒不大便六七日爲裏症頭痛發熱爲表症外不解由於內不通也下之裏和而表自解矣與承氣湯

病人煩熱汗出則解又如瘧狀日晡所發熱屬陽明也脈實者宜下之與大承氣湯脈虛者宜發汗與桂枝湯發汗後惡寒者虛故也不惡寒但熱者實也當和胃氣與調胃承氣湯



太陽病未解。脈陰陽俱停。停者。沉滯不起也。陰陽者。尺寸也。先振心汗出。乃解。但陽脈微者。先汗而解。但陰脈微者。下之而解。若下之。宜調胃承氣湯。按此脈微。卽上文脈停也。已上言汗下失宜。熱熾而傷其陰。陰傷則從陽明陽化之症。多以太陽陽明遞相傳也。

何謂發汗。利水爲治太陽兩大門。曰邪傷太陽。病在寒水之經。驅其水氣以外出。則爲汗。逐其水氣以下。此後爲黃蘗。蓄水前爲小便長。

太陽爲寒水之經。邪之初傷。必須發汗。麻黃湯發皮膚之汗。桂枝湯發經絡之汗。葛根湯發肌肉之汗。小青龍湯發心下之汗。

